

三因方論

木

1718

三因極一病證方論卷十七目錄

婦人論

求子論

盪胞湯

秦桂丸

惡阻

竹茹湯

茯苓丸

養胎大論

避忌法

坐導藥

探胞湯

半夏茯苓湯

小地黃丸

轉女為男法

安胎飲

白朮散

單胎散

漏阻例

膠艾湯

苧根湯

桂枝茯苓丸

千金保生丸

子煩證治

竹葉湯

腹痛下利治法

當歸芍藥湯

鷄黃散

小便病證治法

苦參丸

葵子散

八味丸

白薇芍藥散

胎水證治

鯉魚丸

商陸赤小豆散

腎着湯

胎滑例

枳壳散

榆白皮湯

產難證治

催生湯

鉛丹

產科叙論

產科二十一論許

黑神散

催生湯

勝金散

神應黑散

奪命丹

牛膝湯

清魂散

半夏茯苓湯

牡丹散

芎藭湯

見晚丸

四物湯

增損四物湯

大調經散

五積散

調經散

加減茱萸湯

枳朮湯

奪魂散

七珍散

調中湯

沉香桃膠散

白頭翁湯

趁痛散

麻仁丸

阿膠枳壳散

固經丸

芎歸加芍藥湯

抵聖湯

旋覆花湯

大岩蜜湯

失笑散

大豆紫湯

濟危上丹

三因極一病證方論卷十八目錄

蓐勞證治

石子湯

陰脫證治

硫黃散

當歸散

桃仁膏

硫黃湯

下乳治法

漏蘆散

煉鍾乳散

母猪蹄湯

青葉膏

惡露證治

黑龍丹

當歸湯

奪命丹

虛煩證治

人參當歸湯

蒲黃散

虛渴證治

熟地黃湯

六氣經緯丸

淋閉證治

茅根湯

產後雜病治法

當歸養血丸

當歸黃芪湯

在丁香散後

四神散

丁香散

竹葉湯

神授散

調補法

黑神散

四順理中丸

當歸建中湯

濟陰丹

人參養血丸

羊肉湯

婦人女子衆病論証治法

白聖丹

濟陰丹

烏雞丸

延齡丹

交感地黃丸

融血煎

人參養血丸

四物湯

溫經湯

牡丹散

伏龍肝散

艾煎丸

滋血湯

抵當湯

萬病丸

礬石丸

三稜煎

烏金散

烏咏丸

木香散

石莖散

大腹皮飲

大黃甘遂湯

小柴胡湯

小麥湯

牡丹丸

黃芪五物湯

竹茹湯

膏髮煎

麤瘡證治

補心湯

茯苓補心湯
分氣補心湯

狼牙湯

雄黃兌散

藿香養胃湯

小兒論

初生回氣法

初生服藥法

初生通大小便法

疳風撮口證

述千金變蒸論

紫霜丸

夜啼四證

蒜丸

蒲黃散

客忤夜啼法

黃土散

積熱證治

四順飲子

紅綿散

燈花散

牡蠣散

惺惺散

六神散

銀白散

急慢驚風證治

陽癩方

陰癩方

解顛證治法

三辛散

蛇蛻散

魃病證治

龍膽湯

疳病證治

肥兒丸

六神丸

龍膽丸

不行證治

五加皮散

鹿茸地黃丸

三因極一病證方論卷十七

宋青田鶴溪陳言無擇編

婦人論

夫天地造端於夫婦乾坤配合於陰陽雖清濁動靜之不同而成象效法之有類原茲婦人之病與男子不同者亦有數焉古方以婦人病比男子十倍難治不亦言之深乎但三十六病產蓐一門男子無之其如外傷風寒暑濕內積喜怒憂思飲食房勞虛寔寒

熟悉與丈夫一同也依源治療不得而知之

求子論

夫有夫婦則有父子婚媾之後必求嗣續聖人謂不
孝有三無後為大言嗣續之至重也凡欲求子當先
察其夫妻有無房勞痼害之屬依方調治使內外和
平則夫婦樂而有子矣

盪胞湯 治婦人自立身以來全不產育及斷續久

不產至三十年者

朴硝

牡丹皮

當歸

大黃蒸

桃仁

湯泡去皮尖
麩炒各半兩

細辛

去苗

厚朴

去皮姜
製炒

桂枝

去皮

赤芍

桔梗

人參 茯苓 炙草 牛膝酒浸 陳皮各三字

附子去皮 蟾虫去嘴翅 水蛭切炒各

右咬咀每服四錢水酒各一盞半煎取六分去

滓空心服日三夜一溫覆得少汗必下積血及

冷赤膿如小豆汁斟酌下盡若力弱大困不堪

者只一二服止然恐惡物不盡不得藥力能盡

服儘好不爾著坐導藥

坐導藥 治全不產及斷續服前盪胞湯惡物不盡

用此方

皂角去淨皮子 吳茱萸 當歸各一兩 細辛去苗

五味子

乾姜

炮各二兩

大黃

蒸

礬石

枯

戎鹽

蜀椒

各半兩

右為末以絹袋盛大如指長三寸餘盛藥令滿

縛定納婦人陰中坐臥任意勿行走小便時去

之更安一日一度易新者必下青黃冷汁盡

止藥未見病出者可十日安之本為子宮有冷

惡物故令無子值天陰冷則發疼痛須候病出

盡方已不可輟每日早晚用苦益菜煎湯熏洗

秦桂丸

治婦人無子昔金城范守進此方見經驗

秦朮

桂心

忌見火

杜仲

去皮姜製炒淨

防風

厚朴去皮 姜製

附子去皮 生用 臍

茯苓各兩 半

白薇

乾姜炮

牛膝酒浸

沙參

半夏泡各 半兩

人參兩一

細辛去苗二 兩一分

右為末煉蜜丸赤豆大每服五十九丸食前溫酒

醋湯任下如未效更加丸數覺有胎則止神效

如波說不復繁引

探胞湯 斷經三月不知是胎驗之方

右川芎不拘 多少

右一味為末濃煎艾湯調二錢空心服覺微動

是有胎

脉例

經云陰搏陽別謂之有子搏者近也陰脈逼近于下陽脈別出于上陰中見陽乃知陽施陰化法當有子又少陰脈動甚者妊子也手少陰屬心足少陰屬腎心主血腎主精血交會識投子于其間則有娠又三部脈浮沉正等無病者有妊也餘並如脈惡阻說惡阻

婦人中腕宿有風冷痰飲經脈不行飲與痰搏多喜病阻其狀顏色如故脉理順時不知病之所在但覺四肢沉重頭目眩暈惡聞食臭喜啖醎酸至三四月

則大劇吐逆不自勝持多卧少氣此由經血既閉水
漬于藏氣不得宣通頭目清悶經脉閉澁乃使四
肢沉重挾風則頭目眩暈留飲則嘔吐無時

竹茹湯 治妊娠擇食嘔吐頭疼顛倒痰逆四肢不

和煩悶

人參 橘皮 麥冬去心

白朮一兩

甘草一兩

白茯苓 厚朴姜製各半兩

右咬咀每服四錢水一盞半加生姜五片又竹

茹一團如指大同煎至七分去滓空心服

半夏茯苓湯 治妊娠惡阻心中憤悶頭目眩暈四

肢怠惰百節煩疼痰逆嘔吐嫌聞食

氣好啖鹹醋多卧少氣不進飲食

半夏三兩

茯苓熟地一兩

陳皮細辛

蘇葉 川芎 人參 白芍 桔梗 甘草各二兩六錢

石叟咀每服四錢水二盞加生姜七片煎七分

去滓空心服有客熱煩渴口生瘡者去橘皮細

辛加前胡知母腹冷下利者去地黄加桂心炒

胃中虛熱大便秘小便濇加大黃一兩八錢胎

上逼去地黄加黃芩六錢

茯苓丸 治妊娠阻病心中煩悶頭目眩暈而重憎

聞飲食氣滯嘔逆吐悶顛倒四肢重弱
不自勝持服之即效要先服半夏茯苓湯
兩劑後可服此藥

茯苓

人參

桂心炒

乾姜炮

半夏

泡製

陳皮

各一兩

白朮

葛根

枳寔

炒

甘草

各二兩

右為末蜜丸如梧子大每服三五十丸米飲下

日三服

小地黃丸

治妊娠酸心吐清水腹痛不能食

人參

炮姜

各等分

右為末用生地黃打汁為丸如梧子大每服五

十九米湯下空心服

養胎大論

夫養胎須分所能母為能養子為所養名義既殊致
養亦別故謂之重身父母交會之初子假父母之精
血投識於其間然後成妊元氣資始之謂也一月血
聚謂之始胚二月精凝謂之始膏三月成形謂之始
胎此亦無中之次第也道生一一生二二生三三生
萬物既以三而成故不得不數月而分也成形之後
陰陽化施男女始分故見外象而有感于內四月始
受少陰君火氣以養精五月受太陰濕土氣以養肉

六月受少陽相火氣以養氣七月受陽明燥金氣以
養皮八月受太陽寒水氣以養血九月受厥陰風木
氣以養筋十月藏府俱備神明已全待時而生此皆
所以養胎息之成始成終也若能養者惟在乃母依
經所載而隨時養之無妄服食針灸勞佚等不特傷
胎亦能自傷不可不脩學也為之保子母者先宜熟
識之謹備列母之能養避忌諸法以繼於後

避忌法

一月足厥陰脉養內屬於肝、藏血不可從怒及疲
極筋力并冒觸邪風亦不可妄針灸其經二月足少

陽脈養內屬於膽，合於肝共榮於血不可驚動及
針灸其經三月手心主脈養內屬右腎，主精不可
縱慾及悲哀并觸冒寒冷亦不得針灸其經四月手
少陽脈養內屬三焦三焦精府合腎以養精不可勞
迭及針灸其經五月足太陰脈養內屬脾，主肉不
可妄思及饑飽觸冒卑濕亦不可針灸其經六月足
陽明脈養內屬於胃，為歲府之海合於脾以養肉
不得雜食及針灸其經七月手太陰脈養內屬於肺
肺，以養皮毛不可憂鬱亦不可針灸其經及叫呼
觸冒煩躁八月手陽明脈養內屬於大腸合肺以養氣

母食燥物以致氣溢及針灸其經九月足少陰脉養
內屬腎以養骨不可懷恐及房勞觸冒生冷亦不
得針灸其經十月足太陽養內屬於膀胱以合腎太
陽為諸陽主氣故使兒脉續縷五歲皆成六府通暢
與母分氣神氣各全俟辰而生唯不說手少陰心養
者蓋心為五臟大主如帝王不可有為也若將理得
宜無傷胎歲更能知轉女為男胎教之法斯為盡善
叙列于後

轉女為男法

論曰陽施陰化所以有娠遇三陰所會多生女子但

懷娠三月名曰始胎血脉不流象形而變是時男女未定故令于未滿三月之間服藥方術轉令生男也其法以芥置娠婦床下繫及向下勿令人知恐不信者令待抱鷄卵時依此法用芥置窠下一窠盡出雄鷄此雖未試亦不可不知凡受胎三月逐月變化故古人立胎教能令生子良善長壽忠孝仁義聰明無疾蓋須十月之內常見好景象無近邪僻真良教也如有觸忤傷胎治各有法處徐之才逐月養胎安胎等方脩則脩矣事煩少用故不暇錄識者當自閱今出安胎方如后

安胎飲

治妊娘胎寒腹痛或胎熱多驚舉重腰痛
腹滿胞急卒有所下或頓仆悶胸飲食毒
物或感時疾寒熱注來致傷胎藏

川芎

半一兩

枳壳

兩半 麸炒一

熟地黄

兩三 糯米

右咬咀每服四錢水一盞半加生姜五片棗一

寸金銀少許同煎七分空心服

白朮散

治妊娘宿有風冷胎痿不長或失於將理

致動傷胎氣多致損墮常服保護胎藏

白朮

川芎

各四兩

川楝

去合口并目炒出汗三兩

牡蠣粉

兩二

右為末每服二錢溫酒米湯任下腹痛加白芍
 藥心下毒痛加川芎心煩嘔吐加細辛一兩半
 夏二十粒湯泡入苦渴者以大麥汁調服病雖
 愈盡服勿置味多惡阻人宜作丸服亦治室女
 帶下諸疾

罩胎散 治妊娘傷寒大熱悶亂燥渴恐傷胎藏

捲荷葉

嫩者焙
十一兩

蚌粉花

兩半

右為末每服二錢入蜜少許新汲水調下空心

服或食遠服

漏阻證法

懷妊全假經血以養胎忽因事驚奔或從高墜下頓
仆失據或冒涉風寒觸忤邪祟致暴下血胎乾不動
奔上搶心腹中急逼或血從口出皆傷胎證也

膠艾湯

治妊娠不問月數深淺因頓仆胎動不安
腰腹痛或有所下或胎奔上搶心短氣安

胎

熟地

二兩

艾葉

炒

當歸

炙草

芍藥

川芎

阿膠

炒

黃芪

各一兩

右咬咀每服四錢水一盞半煎七分去滓空心

溫服胸中逆冷加生姜五片棗三個同煎

苧根湯 治胎無故下血腹痛不可忍或下黃汁如

漆如小豆汁者

野苧根 三兩 剉炒

黃金

白銀 各一兩

右為一劑水酒各一盞煎至一盞去滓分二服

無時服

桂枝茯苓丸

治婦人宿有癥瘕妊娠經斷未及三

月即動此癥也經斷三月而得漏下

不止胎動在臍上者為癥瘕害當去

其癥又論云妊娠六月動者前三月

經水利時胎也下血者後斷三月不

也所以下血不止者其癥不去故也
當下其癥

桂心

焙下

茯苓

丹皮

桃仁

去皮尖
麩炒

芍藥

等分

右為末煉蜜丸如彈子大每服一九細嚼溫酒

米湯任下空心服

千金保生丸

養胎益血安和子藏治妊娘將理失

宜或勞役胎動不安腰腹痛重胞阻

漏胎惡露時下子藏挾疾久不成胎

或受妊不能固養或致損墜痿燥不

長過年不產日月雖滿轉動無力及

臨產節適乖宜驚動太早產時未至
惡露先下胎胞枯燥致令產難或橫
或逆痛極悶亂連日不產子死腹中
腹上冰冷口唇青黑吐出冷沫新產
惡血上衝運悶不省喘促汗出及瘀
血未盡臍腹疔痛寒熱往來或因產
勞損虛羸未復面黃體瘦心怔盜汗
飲食不進漸成羸勞八月常服壯氣
養胎正順產理潤胎易產後常服
滋養血氣和調陰陽審賤理寔藏府

治風虛除痼疾或致墜損

炙草

貝母

秦樹

去目炒出汗

乾姜炮

桂心炒

黃芩

石斛去根

石羔煨

糯米炒

大豆卷炒各一分

當歸

酒浸一宿微炒半兩

麻子仁

兩半另研

右為末煉蜜丸如彈子大每服一丸溫酒棗湯

任下細嚼空心服

子煩證治

竹葉湯

治妊娠苦煩悶者以四月受少陰君火氣

以養精六月受少陽相火氣以養氣若母

心驚膽寒多少煩悶名曰子煩

防風

去義

黃芩

麥冬

去心各三兩

茯苓

四兩

右咬咀每服四錢水一盞半竹葉數十片煎七

分去滓空心溫服

腹痛下利治法

當歸芍藥散

治妊娠腹中疝痛心下急滿及產後

血暈內虛氣乏崩中久痢常服通暢

血脉不生癰瘍消痰養胃明日益津

白芍

八兩

當歸

茯苓

白朮

各二兩

澤瀉

四兩

川芎

四兩

或此味只用二兩

右為末每服二錢溫酒調下空心服

元和紀用經云 本六氣經緯丸能祛風補勞
養真陽退邪熱緩中安心和神志潤容澤色散
寒邪瘟疫時氣安期先生賜李少君久餌之藥
後仲景增減為婦人懷妊腹痛本方用芍藥四
兩澤瀉茯苓芎藭各一兩當歸白朮各二兩亦
可以蜜為丸服

鷄黃散 治懷妊下利絞刺疼痛

雞子破一合烏鴉者尤妙卵頭清者面黃

黃丹一錢入前厚紙裏黃泥固濟煨焙乾熟取出

右為末每服二錢米飲調下一服愈是男兩服

愈是女凡冷熱斷下閉中選無毒者皆可服

小便證治

凡妊娠胎滿逼胞多致小便不利者或心腎氣不足不能使胞和清濁相干為諸淋病或胞系了戾小便不通名曰轉胞又胞滿尿出不知時名遺溺治之各有方

苦參丸 治小便難飲食如故

當歸

川貝

苦參

各三兩

滑石

五錢

右為末蜜丸如小豆大米飲下二十九服無時

葵子散

治妊娠小便不利身重惡寒起則眩暈及

水腫者

葵子

五兩

茯苓

二兩

右為末米湯調下二錢小水利則愈

一法入榆白皮二兩

八味丸

治婦人病飲食如故煩熱不得卧而反倚

息以胞系了戾不得溺故致此病名轉胞

但利小便則愈以八味中有茯苓故也

方見少陰腳氣門

白薇芍藥散

治妊娠遺尿不知出時

白薇

芍藥

各等分

右為末酒服調方寸匕日二三服

胎水證治

凡婦人宿有風冷寒濕妊娠喜脚腫俗呼為鰓脚亦有通身腫滿心腹急脹名曰胎水

鯉魚湯 治妊娠腹大胎間有水氣

白朮

五兩

芍藥

當歸

各三兩

茯苓

四兩

右咬咀以鯉魚一頭修事如法煮取汁去魚不

用每服藥四錢入魚汁一盞半生姜七片陳皮

少許煎七分空心服

商陸赤小豆湯

治妊娠手脚腫滿攣手急

商陸 赤小豆 各等分

右為末每服一兩水一碗煎七分煎澄清汁服

腎着湯 治妊娠腰脚腫滿

茯苓 白朮 各四兩 炮姜 炙草 各二兩

杏仁 三兩去皮 共麩炒

右為末每服四錢水一盞半煎七分空心服

滑胎証治

凡懷孕已滿十月形體成就神識咸備分氣趣產宜

服滑胎藥

枳壳散 瘦胎易產胡陽公主服

枳壳 麩炒黑 色四兩

炙草 二兩

右為末每服二錢空心滾水調服懷娠至七月

方可服臨月忌登高廁

榆白散 治臨產預服滑胎

榆白皮 槐枝 瞿麥 木通 大麻仁 各等分

右咬咀每服五錢水二盞煎七分日二服

產難証治

婦人懷憂無踰妊產頃刻之間便至天害故以陣面
健兒為比不亦危乎凡欲生產切不得喧鬧選一高
年性善老娘并純語家奴扶持不得揮霍致令產婦

憂恐如腹中痛甚且令扶行或痛陣多眼中火出方
是兒轉至走不得方好上蓐產自有時欲產不痛甚
名曰弄胎痛須極忍耐時至自產莫妄費力定至難
產切忌喪孝穢污家人來至產室話說亦不可令見
恐傷其子須依產圖方位無致觸犯禁忌為佳圖見
太醫局方

催生湯

治產婦痛陣踈難產經三兩日不產或胎

死腹中或產母氣乏委頓產道乾澁纒覺

陣痛破水便可投之

蒼朮

二兩米
油浸

桔梗

一兩

陳皮

六錢

白芷
肉桂

炙草各一錢

當歸

川烏

炮姜

厚朴姜製

南星炮

附子炮去皮

半夏

茯苓

白芍各二兩

杏仁麩炒去皮尖

阿膠麩炒各二錢五分

川芎一錢五分

枳壳麩炒四錢

右為末每服一錢溫酒下覺熱悶用新汲水調

白蜜服

鉛丹 催生及難產橫逆

水銀二錢 黑鉛一錢
銚內鎔投銀結成砂子

右以熟絹巾紐出水銀細研以汗衫角紐做丸

子菴豆大臨坐艸時煮一二丸立效仍須敬仰

產科叙論

世傳產書甚多千金外臺會生產寶馬氏王氏崔氏
皆有產書巢安世有衛生寶集子母秘錄等脩則脩
矣但倉卒之間未易歷錄惟李師聖序郭稽中產科
經驗寶慶集二十一篇凡十八方用之頗驗但其間
叙論未為至當姑用料理簡辨於諸方之下以脩智
識之非敢好辨也

產科二十一篇論許

第一論曰熱病胎死腹中者何答曰因母患熱病至
六七日以致藏府極熱熏煮其胎是以致死緣兒身

死而冷不得自出但服黑神散煖其胎須臾胎氣煖即自出何以知其胎之已死但看產婦舌色青者是其候也

黑神散

肉桂 當歸 芍藥 炙甘草 炮姜

生地 各一兩 黑豆 炒去皮二兩 附子 五錢

右為末每服二錢酒溫調下 一法無附子有蒲黃

許曰夫妊娠謂之重身二命係焉將理失宜皆能損胎不特病來熏煮所致或因傾仆驚恐出入觸冒及素有癥瘕積聚壞胎最多此候其舌青則知子死養

胎論云面青舌赤母死子生唇青舌赤吐涎子母俱死又有雙懷二胎或一活一死其候尤難知自非臨岐觀變未易預述不可不脩述也然以黑神散溫胎未若補助產母使其氣正免致虛乏困頓其胎自下矣催生湯殊勝黑神散

催生湯

方前產難條下

第二論曰難產者何答曰胎側有成形塊為兒枕子欲生時枕破與破血裹其子故難產但服勝金散逐其敗血即自生若橫逆並皆治之

勝金散

麝香一錢

鹽

一兩以舊青布裹之燒
令紅急以乳鉢搥研細

右為末取秤錘燒紅以酒淬之調下一錢

許曰產難不_不只是胎側有兒枕與敗血裹凝隨其胎

息因緣自有難易其遇橫逆多因坐艸太早努力過

多致兒轉未逮或已破水其血必乾致胞難轉若先

露脚謂之逆先露手謂之橫法當以微針刺之使自

縮入即服神應黑散以固其血必自轉生養生方云

倉卒之間兩命所係不可不廣傳蓋贊黑散之功也

或以鹽塗兒脚底抓搔之

神應黑散 治橫生逆生難產

百草霜 香白芷等

右為末每服二錢以童便好醋各一茶盞許調
勻更以滾湯浸四五分服止一服見效甚者再
服即分娩矣一名烏金散

第三論曰胎衣不下者何答曰母生子訖血流入衣
中衣乃為血所脹是故不得下治之稍緩脹滿腹中
以次上衝心胸疼痛喘急者但服奪命丹以逐去衣
中之血散脹消胎衣自下而无所患更有牛膝湯
用之甚效

奪命丹

附子五錢

丹皮 乾漆一分 烟炒

右為末以釀醋一升大黃末一兩同熬成膏和
勻同藥為丸如桐子大溫酒下六七丸

牛膝湯 治產兒已出胞衣不下腹大堅脹急痛甚

及子死腹中不得出

牛膝酒浸

瞿麥各四兩

滑石八兩

當歸酒浸

木通各六兩

葵子五兩

右咬咀每服三錢水一盞半煎七分服

第四論曰產後血暈者何荅曰產後氣血暴虛未得

安靜血隨氣上逆迷亂心神故眼前生花極甚者令人悶絕不知人口噤神昏氣冷醫者不識呼為暗風若作此治之病必難愈但服清魂散自愈小產同用

清魂散

澤蘭葉 人參 荆芥穗 川芎

石為末溫酒熱湯各半盞調下急灌之下咽即開眼氣定省人事

許曰產后眩暈頃刻害人須量虛實為治若胸中宿有痰飲阻病不阻產後多致眩暈又血盛氣弱氣不使血逆而上攻此等皆非清魂可療瘀暈仍用半

夏茯苓湯血壅須用牡丹皮散但馱藥尤難輟用當識輕重所謂擾乎可擾亦无擾若氣血平人因去血多而致暈者苦窮湯尤佳

半夏茯苓湯

方見前惡阻條下 隨證虛實加減用之

牡丹皮散 治產後血暈悶絕若口噤則拘攣灌之

必效

牡丹皮 大黃 芒硝 各一兩 冬瓜子 半合

桃仁 三十七粒 去皮者

石叻咀每服五錢水三盞煎至盞半去渣入芒

硝丹煎分二服欲產先煎下以備緩急
金匱以此治腸癰但分兩少異

芎藭湯

川芎 當歸

石二味咬咀水二盞煎至八分去滓服

第五論曰產后口乾痞悶者何荅曰產後榮衛大虛
血氣未定食麪太早胃不能消化麪毒結聚於胃脘
上熏胸中是以口乾燥渴心下痞悶醫者不識認為
胸臆壅滯以藥下之萬不救一但服見覲丸

見覲丸

姜黃 三稜 蓬朮 華澄茄 陳皮

人參 良姜 各三兩

石為末用菜菔慢火煮爛研細將汁煮麩和丸

如梧子大菜菔下三十九

許曰產后口乾痞悶未必止因食麩或產母內積煩
憂外傷燥熱飲食甘辛使口乾痞悶當隨其所因調
之可也煩心宜四物湯去地黃加人參烏梅煎若外
傷燥熱者屬何經當隨經為治難以備舉如飲食所
傷見覲丸却效

第六論曰產後乍寒乍熱者何答曰陰陽不和敗血

不散能令乍寒乍熱產後氣血虛損陰陽不和陰勝則乍寒陽勝則乍熱陰陽相乘則或寒或熱若因房勞歲府虛弱不得宣越故令敗血不散入於肺則熱入於脾則寒醫人若悞作瘧疾治之則謬甚矣陰陽不和宜增損四物湯敗血不散宜奪命丹

又問二者何以別之荅曰時有刺痛者敗血但寒熱無他證者陰陽不和增損四物湯皆隨證加減增損四物湯

當歸 人參 芍藥 川芎 炮姜 炙草

右咬咀每服三錢水二盞煎八分服

許曰乍寒乍熱榮衛不和難以輕議若其敗血不散
豈止入脾肺二藏耶大抵一陰閉一陽即作寒熱陰
勝故寒陽勝故熱只可云敗血循經流入閉諸陰則
寒閉諸陽則熱血氣與衛氣解則休遇再會而復作
宜大調經散五積散

大調經散

治產後血虛惡露未消氣為敗濁凝滯

榮衛不調陰陽相乘憎寒發熱或自汗
或腫滿皆氣血未平之故也

大豆

一兩半
去皮

茯神

一兩一
用茯苓

真琥珀

一錢

右為末每服二錢濃煎烏豆紫湯調下

五積散

蒼朮

桔梗

陳皮

白芷

炙草

當歸

川芎

芍藥

茯苓

半夏

麻黃

春夏少
秋冬多

乾姜

秋冬多

枳殼

肉桂

厚朴

加醋少許

第七論曰產後四支浮腫者何荅曰產後敗血乘虛停積於五臟循經流入四支留滯日深却還不得腐穢如水故令四支面目浮腫醫人不識便作水氣治之凡治水氣多用導水藥極能虛人夫產後既虛又以藥虛之是謂重虛往往多致天枉但服調經散血

行腫消則愈

調經散

沒藥 琥珀 肉桂 赤芍 當歸

細辛 射香 各五分

右為末每服五分生姜汁溫酒各少許調服

許曰產后浮腫自有多端有自懷孕腫至產后不退者亦有產后失於將理外感風寒暑濕內作喜怒憂驚血與氣搏留滯經絡氣分血分不可不辨要當以所因隨脉証治之宜得其情調經散治血分固效但力淺難憑不若加減吳茱萸湯枳朮湯奪魄散大調

經散皆要藥也

加減吳茱萸湯

治婦人歲氣本虛宿挾風冷胸膈

滿痛腹脇絞刺嘔吐惡心飲食減

少身面浮腫惡寒戰慄或泄利不

止少氣羸困及因生產歲氣暴虛

邪冷內膝宿疾轉甚

吳茱萸一兩半

桔梗

炮姜

炙草

麥冬

防風細辛

當歸

半夏

茯苓

丹皮

肉桂各五錢

石咬咀每服四錢水一盞半煎七分服

枳朮湯 治心下堅大如盤邊如旋盤水飲所作名

曰氣分

枳實

一兩五錢

白朮

三兩

右咬咀每服四錢水二盞半煎七分腹中軟即

效

奪魄散 治婦人產後虛腫喘促利小便即愈

生姜汁

白麩

各三兩

半夏

五錢

右為末以姜汁搜麩裹半夏作餅炙熟為末滾

水調下一錢小便利為效

大調經散 治產後腫滿喘急煩渴小便不利

方見前第六論中

第八論曰產後乍見鬼神者何答曰心主身之血脉因虛耗傷血脈則心氣虛敗血停積于心心不受觸遂致心中煩躁踴起不安乍見鬼神言語顛倒醫工不識呼為血邪如此治之必不得愈但服調經散每服龍腦一捻得睡則安

方見第七論中

第九論曰產後不語者何答曰人心有七孔三毛產後虛弱多致停積敗血閉於心竅神氣不能明也又心氣通於舌心氣閉塞舌亦強矣故令不語如此但

服七珍散

七珍散

人參

生地

石菖蒲

川芎

各一兩

細辛

錢

防風

硃砂

各五錢

右為末每服一錢薄荷湯調下

又方

川芎

生地

當歸

白芍

丹參

石菖蒲

熟大黃

第十論曰產后腹痛又瀉利者何荅曰產後腸胃虛弱寒邪易侵若未滿月飲冷當風乘虛而入留於育

膜散於腹脇致腹痛作陣或如錐刀所刺流入大腸
水穀不化洞泄腸鳴或下赤白胠脇腹脹或走痛不
定急服調中湯立愈若醫者以為積滯而取之則禍
不旋踵謹之

調中湯

良姜 當歸 肉桂 芍藥 附子 川芎

各一兩

炙草

五錢

右咬咀每服三錢水盞半煎七分服

許曰產后下利非指一證當隨所因而調之既云飲
冷當風何所不致寒熱風濕本屬外因喜怒憂思還

從自性况勞逸飢飽皆能致病若夫洞瀉可服調中
 赤白滯下非此可能愈各隨門類別有正方今錄沉
 香桃膠散白頭翁湯以備用餘從滯下門中選用之
 沉香桃膠散 治產后下利赤白裡急後重疔刺疼

痛等證

桃膠元上焙乾

沉香 蒲黃隔紙炒各等分

右為末每服二錢陳米飲調下

白頭翁湯 治產後下利虛極

白頭翁 甘草 阿膠各二兩 黃連 柏皮

秦皮各五兩

右咬咀每服三錢水一盞煎七分服

第十一論曰產後遍身疼痛者何荅曰產后百節開張血脉流走遇氣弱則經絡分肉之間血多留滯累月不散則骨節不利筋脉急引故腰背不得轉側手脚不得動搖身熱頭痛也若醫以為傷寒治之則汗出而筋脉動搖手足厥冷變生他病但服趁痛散以默除之

趁痛散

牛膝

炙草

薤白

各一分

當歸

肉桂

白朮

黃芪

獨活

生姜

各五錢

右為末每服一錢溫酒鹽湯任調下

評曰趁痛散不特治產后氣弱血滯兼能治太陽經感風頭疼腰背痛自汗發熱若其感寒傷食憂驚怒怒皆致身疼發熱頭痛况有蓐勞諸証尤甚趁痛散皆不能療不若五積散入醋煎用却不妨

第十二論曰產后大便秘濇者何荅曰產婦水血俱下腸胃虛竭津液不足是以大便秘濇不通也若過六七日腹中脹悶此有燥屎在藏府以其乾燥而澁不能出耳宜服麻仁丸以津潤之若誤以為有熱而投以寒藥則陽消陰長變病百出性命危矣

麻仁丸

麻仁

枳壳

人參

大黃

各等分

右為末煉蜜丸如梧子大酒下二十九未通加
數丸再服

評曰產后不得利者百無一生去血過多歲燥大
便秘澁則固當消之大黃似難輕用唯蔥涎調臘
茶為丸復以臘茶下之必通

阿膠枳壳丸

治產後后虛羸大便秘塞

阿膠

枳壳

右為末蜜丸如梧子大另研滑石為衣酒下二

十九半日未通再服

第十三論曰產後血崩者何答曰產卧傷耗經脉未
得平復而勞役損動致血暴崩淋瀝不止或因塩酸
不節傷蠹榮衛氣衰血弱亦變崩中若小腹滿痛肝
經已壞為難治急服固經丸以止之

固經丸

艾葉 赤石脂 補骨脂 木賊各五錢

附子一錢 炮 去皮 臍

右為末陳米飲和丸如梧子大温酒米湯任下

二十九

許曰血崩不是輕病况產後有此是謂重傷恐不止
鹽酸不節而能致之多因憂驚恐恚戩氣不平或產
後服斷血藥太早致惡血不消鬱滿作堅亦成崩中
固經丸似難責效不若煮大料芎歸加芍藥湯候定
續次隨證合諸藥治之為得

芎歸芍藥湯

川芎 當歸 芍藥

右咬咀每服 錢水一盞半煎七分服

第十四論曰產後腹脹悶嘔吐不定者何答曰敗血
散於脾胃脾受之則不能運化精微而成腹脹胃受

之則不得受納水穀而生吐逆醫者不識若以尋常
治脹止吐藥療之病與藥不相干轉更相動正氣疾
愈難治但服抵聖湯

抵聖湯

赤芍 半夏 澤蘭 人參 陳皮
錢各二

炙草
錢一

右咬咀作一服水一盞半加生姜煎七分服

第十五論曰產後口鼻黑氣起及鼻衄者何荅曰陽
明者經脉之海起於鼻交頰中還出扶口交人中左
之右之左產後氣消血散榮衛不理散亂入於諸

經却還不得故令口鼻黑起及為鼻衄此緣產後虛
熱變生此證其疾不可治名曰胃絕肺敗此證不可
治出方

第十六論曰產後喉中氣急喘者何荅曰榮者血也
衛者氣也榮行脉中衛行脉外相隨上下謂之榮衛
和因產所下過多榮衛暴竭衛氣無主獨肺中聚之
故令喘也此名孤陽絕陰為難治若惡露不行敗血
停滯上熏於肺亦令喘急但服奪命丹血去喘息自
定

許曰產後喘急固可畏若是敗血上攻於肺猶可責

效于奪命丹若感風寒宜旋覆花湯若榮血暴絕宜
大料芎藭湯亦自可救性理鬱發宜小調經散用素
白皮杏仁煎湯調下傷食宜見覲丸五積散

旋覆花湯

治產後傷感風寒暑濕欬嗽喘滿痰涎

壅塞坐臥不安

旋覆花

赤芍

半夏

前胡

麻黃

荆芥

五味子

炙草

茯苓

杏仁

右咬咀每服

錢水一盞半煎七分服

奪命丹

方見前第三論

苦蘗湯

方見前第四論

調經散

方見前第七論

見睨丸

方見前第五論

五積散

方見前第六論并傷寒門

第十七論曰產後中風者何荅曰產后五七日內強力下床或一月之內傷於房室或懷憂發怒擾蕩冲

和或因着艾傷動藏府得病之初眼澁口噤肌肉腫
搖漸至腰脊筋急強直者不可治此乃人之所作非
偶爾中風所得也

許曰問產後中風是外邪血虛則或有中之者直
答以人作不可治問答不相領解如何開示後人立
論之難有如此者若是中風當以脉辨者在何藏依
經調之強力下床月內房室憂愁着灸非中風類乃
蓐勞怯氣火邪治各有法非產後病不暇繁引學者
識之

第十八論曰產後心痛者何答曰心者血之主人有

宿伏寒氣因產太虛寒搏於血，凝不得消散其氣
遂上沖擊於心之絡脉故心痛以大岩蜜湯治之寒
去則血脉溫而經絡通心痛自止若悞以為有所傷
而治之則虛極寒益甚矣心絡寒甚傳于心之正經
則變為真心痛旦發夕死藥不可輕用

大岩蜜湯

熟地 當歸 獨活 吳茱萸 炮姜 白芍

肉桂

炙草

遠志

姜汁炒
各一兩

細辛

五錢

許曰產後心痛雖非產蓐常病庸或有之凡痛未必
便是血痛設是岩蜜湯豈可用熟地黄熟地黄泥血

安能去痛此方本出千金用生地黄耳吳茱萸一升
合淮五兩乾姜三兩細辛治陳寒在下焦者方本一
兩却減作半兩制竒制偶量病淺深自有品數不可
妄意加減然以岩蜜湯治血痛不若失笑散用之更
效

失笑散 治心腹痛欲死百藥不效服此頓愈

五靈脂

蒲黃

炒等分

右為末每服二錢醋調燉膏入水一盞煎七分

服

第十九論曰產後熱悶氣上轉為脚氣者何荅曰產

後血虛生熱復因春夏取涼過多地之蒸濕以足履
之所以着而為脚氣其狀熱悶掣癢驚悸心煩嘔吐
氣上皆其候也可服小續命湯二三劑必愈若醫者
誤以逐敗血藥攻之則血去而疾益增劇

小續命湯

方見一卷中風門

評曰脚氣固是常病未聞產後能轉為者往々讀千金見產婦多此疾之語便出是證文辭害義概可見矣是熱悶氣上如何令服此湯此藥本主少陽經中風非均治諸經脚氣須要依脚氣方論陰陽經絡調

之此涉轉悶門未易輕論既非產后要病更不必繁
引

第二十論曰產后汗出多而變瘧者何答曰產后血
虛肉理不密故多汗因遇風邪搏之則變瘧也瘧者
噤口不開背強而直如發癰狀搖頭馬鳴身反折頹
更十數發氣息如絕宜速斡口灌小續命湯見論稍
緩即汗出如雨手扶不及者不可治

許曰產後汗出多而變瘧亦令服續命湯此又難信
既汗出多如何更服麻黃官桂防已輩不若大豆紫
湯為佳太醫局方大勝散亦良藥也

大豆紫湯

獨活一兩

大豆升

酒升

右先獨活酒浸煎三沸另炒大豆極焦煙出急投酒中密封候冷去豆每服一二合得少汗則愈日數服

第二十一論曰產后所下過多虛極生風者何答曰婦人以榮血為主因虛而又下血過多氣無所主唇青而病冷汗出目瞑神昏命在頃臾此乃虛極生風也如此則急當服濟危上丹若以風藥治之則誤矣
濟危上丹

乳香 玄精石 五靈脂 硫黃 陳皮

素寄生 阿膠 生卷柏 各等分

右將上四味同研勻于石器內微火炒勿令焦
再研極細復入餘藥為末用生地黃汁和丸如
梧子大酒下或當歸浸酒下二十九

許曰帝下過多傷損靈極少氣唇青肉冷汗出神昏
此皆虛脫証何以謂之生風，是外淫必因感冒而
中傷經絡然後發動藏府豈能自生風也虛之說蓋
因脉絰云浮為風為虛此乃兩病合說在人迎則為
風在氣口則為虛也後學無識便謂風虛是一病謬

濫之甚學者當知之

右保慶集二十一論人用既多因評其說仍將
得效方附行外有歷科諸證併收于後卷

三因極一病證方論卷十七 終

三因極一病證方論卷十八

宋青田鶴溪陳言無擇編

蓐勞證治

婦人因產理不順疲極筋力憂勞心力致虛羸喘乏
寒熱如瘧頭痛自汗支體倦怠欬嗽痰逆腹中刺痛
名曰蓐勞

石子湯 治蓐勞

猪腎一膜對去脂

香豉

當歸

白芍

糯米

葱白 各三兩

右剉散分二劑用水三升煮一小碗去渣分二

服

陰脫證治

婦人趣產勞力努噤太過致陰下脫若脫肛狀及陰下挺出逼迫腫痛舉重房勞皆能發作清水續、小便淋露

硫黃散 治產後過勞陰脫

硫黃

烏鰂魚骨

各五錢

五味子

一分

右為末摻患處

當歸散 治陰下脫

當歸

黃芩 各二兩

芍藥

蠟皮

五錢燒存性

牡蠣

二兩半煨研

右為末每服二錢溫酒米湯任下忌登高重舉

熨法

蛇床子

炒熟布裹熨患處亦治產後陰痛

右乘熟

桃仁膏

治產後陰痛腫妨悶

桃仁

枯礬

五倍子

各等分

右以下二味為末研桃仁成膏拌勻傅之

硫黃湯 治產勞玉門閉而不閉

硫黃兩四 吳茱萸 兔絲子 蛇床子各一兩半

右剉散每服四錢以水煎數沸濾滓洗玉門日

再洗

下乳治法

產婦有三種乳脉不行有氣血盛而壅閉不行者有血虛氣弱滯而不行者虛當補之盛當疎之盛者當用通草漏蘆土瓜根葷虛者當用鍾乳猪蹄鮑魚之屬槩可見矣

漏蘆散 治乳婦氣脉壅滯乳汁不行及經絡凝滯

乳內脹痛留蓄斜當作邪毒或作癰腫此藥

服之自然內消乳汁通行

漏蘆

二兩半

蛇蛻

十條炙

瓜蒌

十枚急火煨存性 橘葉

右為末每服二錢溫酒調下

鍾乳散 治乳婦氣少血衰脉澁不行乳汁絕少

鍾乳粉

細研

右一味濃煎漏蘆湯調下

母猪蹄湯 如前

猪蹄

通草

四兩

右二味以水煎湯服

青葉膏 治乳硬作痛

嫩葉

生採
研細

右以米飲調攤紙花上貼患處千金云凡患乳
癰四十已上可治五十已上不可治，則死不
治自得終其天年

惡露證治

產後兒枕不散及血癥堅聚按之攬手日晡增劇疼
痛淋露不快上攻心胸困頓狼狽宜服黑龍丹當歸
湯奪命丹治之

黑龍丹 治產後一切血疾垂死者但灌此藥無有

不效神驗不可言

當歸

五靈脂

良姜

生地

川芎

各一兩

右並細剉入砂合內以赤石脂泥縫紙筋鹽泥固濟封合以炭火十斤煨通紅去火候冷開取合子看成黑糟乃取出細研入後藥

百草霜

五兩

硫黃

乳香

各一錢半

花蕊石

琥珀

各一錢

右共為末米醋和丸如彈子大每服一丸炭火燒紅生姜自然汁與无灰酒各一合童便半盞研開頻服之立效

當歸湯 治產后敗血不散兒枕硬痛或發或止及

新產乘虛風寒搏結惡露不快臍腹堅脹

當歸

鬼箭

紅花

取羽

各一兩

右為末每服三錢以水一盞半煎七分連滓調

下

奪命丹

方見前產科第三論

虛煩證治

產蓐竅難調理所以忌問男女及不許見污穢者皆
古人預防其妄念也每見婦人以得男則喜得女則

憂、喜太早致心虛煩悶多自此始蓋去血過多血
虛則陰虛陰虛生內熱內熱則虛煩其證心胸煩滿
吸、短氣頭痛悶亂骨節疼痛晡日輒甚與大病後
虛煩相類

人參當歸湯 治產後煩悶不安

人參 當歸 麥冬 生地 肉桂

各一兩

白芍

二兩

右剉散每服四錢先用水二盞即將粳米一合
淡竹葉十片煎至一盞去米竹葉八葉加大棗
三枚再煎至七分服

蒲黃散 治產後虛煩必效

蒲黃 紙上炒

右一味為末每服一錢東流水調下無時服

虛渴證治

產後去血過多津液不回腎氣虛弱多使人煩渴引
飲無度雖非三消其證頗同治之當養血通氣回津
補腎方得有效

熟黃地湯 治產後虛渴不止少氣腳弱眼昏頭眩

飲食無味

熟地 兩一

人參 兩三

麥冬 兩二

花粉 兩四

甘草 錢五

石叟咀每服四錢水二盞元米一撮生姜三片
東三枚煎七分去滓服

六氣經緯丸

川芎 白芍 當歸 白朮 茯苓 澤瀉

石叟咀每服四錢水一盞半煎七分服

淋閉證治

治諸產後淋閉其法不同產前當安胎產後當去血
其如冷熱膏石氣淋等證為治則一但量其虛寔而
用之瞿麥蒲黃最為產后要藥惟當尋其所因則不
失機要矣

茅根湯 治產後諸淋無問冷熱膏石結氣痞主之

白茅根八兩 瞿麥 茯苓 蒲黃 桃膠 滑石

炙草各一兩 貝子十斤燒 冬葵子 人參各一兩

石首魚腦骨二十斤煨研

右剉散每服四錢水一盞半加生姜三片燈心

二十莖煎七分服亦可為末煎木香湯調下二

錢如氣壅閉木通陳皮湯調下二錢

產後雜病治法

當歸養血丸 治產後惡血不散發渴疼痛及惡露

不快臍腹堅脹兼治室女經候不調

赤白帶下心腹腰疼痛

當歸

肉桂兩一

赤芍

丹皮

玄胡索

各二兩

石為末蜜丸如梧子大溫酒米湯任下三丸或

五丸如痛甚細嚼嚥下

回神散

治產後留血不消積聚作塊急切疼痛猶

如遁尸心腹絞痛不利

當歸

芍藥

川芎

炮姜

各等分

石為末溫酒調下一錢

丁香散

治產後欬逆

石蓮

心十枚去

丁香

十枚

右為末以水一盞半煎七分服

當歸黃芪湯

治產後腰脚疼痛不可轉側壯熱自

汗身体強氣短

黃芪

白芍

各二兩

當歸

三兩

右為末每服四錢水一盞半加生姜三片煎七分服

竹葉湯

治產後傷風發熱面正赤喘而頭痛

乾葛

三分

防風

桔梗

桂心

人參

炙草

各一分

附子

錢五

右為末每服四錢水一盞半加生姜五片棗三

枚竹葉十片煎七分服

嘔者加半夏

神授散 治婦人產後一切疾病不問大小以致危

篤

丹皮 白芍 桂心 陳皮 青皮 各五錢

當歸 百合 川芎 炙草 炮姜 各一兩

人參 神麴 麥芽 各三錢 紅花 一錢五分

右為末每服二錢水一盞半加生姜大棗煎七

分服孕婦勿服

產中調補法

產後氣血既衰五藏俱損唯得補益不可轉利若惡血未盡亦不可便服補藥須候七日外臍下塊散方

可投之若痛甚切者或崩傷泄利虛羸喘乏別生他疾帶起宿疾宜尋閱諸方審詳調理不可拘以日數也如黑神散却不妨

黑神散 治產後諸疾

當歸 白芍 炙草 炮姜 肉桂 熟芩 各一兩

黑豆 炒去皮二兩 蒲黃 五錢

右為末每服二錢溫酒童便任意調下

一法等分為末

四順理中丸 治新產血氣俱傷五歲暴虛支体羸

乏少氣多汗初產直至百日每日常

服壯氣補虛調養藏氣蠲除餘熱消穀嗜食兼治產後藏虛嘔吐不止

人參 白朮 炮姜 炙草

等分

右為末蜜丸如梧子大米湯下二十九

當歸建中湯 治產後勞傷虛勞不足腹中疝痛吸

吸少氣小腹拘急痛連腰背時自汗

出不思飲食產訖直至滿月每日三

服令人強健

當歸

五兩

桂心

二兩

白芍

五兩

炙草

二錢

右剉散每服四錢水一盞半加生姜三片枣二

枝煎七分去滓入飴糖一塊鎔化服崩傷內衄

加阿膠生地黃

濟陰丹 治產後百病百日內常服除宿血養新血

木香 茯苓 京墨 桃仁 秦瓦 炙草

人參 桔梗 石斛 蠶布燒 藁本各三兩

歸身 桂心 炮姜 細辛 丹皮 川芎各一兩半

川楝 山藥各三兩 澤蘭 熟地 香附各四兩

蒼朮 糯米炒一升

右為末蜜丸每兩作六丸每以一九食前細嚼

溫酒醋湯任下

人參養血丸 治產後出月羸瘦不常

人參 赤芍 川芎 葛蒲 各一兩 當歸 二兩

熟地 五兩 烏梅肉 二兩

右為末蜜丸如梧子大溫酒下五十九

羊肉湯 治產後腹中疼痛虛勞不足裡急脇痛并

治寒疝

當歸 三錢 生姜 一兩 橘皮 五錢 精羊肉 四兩

右剉散以水三碗酒一茶杯煎至一碗去滓分

二服或少加葱鹽亦佳

婦女衆病論

婦人三十六病未論所述名品不同或云七癥八瘕
九痛十二帶下共三十六雖有名數不見證狀又論
十二癥者是所下之物不同一如清血二黑血三紫
汁四赤肉五膿痂六豆汁七葵根八凝血九清盞十
米泔十一如月浣十二經不應期九痛者熱傷痛冷
澁痛淋澁痛小便時痛經來時痛脇脹痛汁出如虫
啣痛脇下分痛腰跨折痛七害者竅孔不利陰中寒
熱小腹急堅歲內不仁子戶揭睨洞泄惡吐五傷者
兩脇肢滿心引脇痛氣結不通邪惡洩利前後寒瘕
三瘕者羸瘦不生肌斷緒不乳產後經水閉塞亦名

三十六病名品雖殊無非血病多因經脉失於將理
產蓐不善調護內傷七情外感六淫陰陽勞逸飲食
生冷遂致榮衛不輸新陳干忤隨經敗濁淋露凝滯
為癥為瘕為流溢穢惡痛害傷痼犯時微若秋毫作
病重如山嶽古人所謂婦人之病十倍男子雖言之
太過亦明戒約之切也

婦女衆病例治

白堊丹 治婦人三十六病崩中漏下身瘦手足熱

惡風怯寒欬逆煩滿拘急短氣心脇胸腰
背肚與子藏相引痛溺下五色心中常恐

懼遇恚怒憂愁即發皆是內傷所致

白堊

白石脂

禹餘糧

牡蠣

烏鰂魚骨

龍骨

細辛各一兩

當歸

芍藥

川連

肉桂

茯苓

炮姜

人參

石葦去毛

瞿麥

白芷

附子

炙草

白蘇

川楝去汗

五錢炒

右為末煉蜜丸如梧子大酒下三十九至五十

丸

濟陰丹

治婦人久冷無子及屢經墮胎皆因衝任

之脉虛損胞內宿挾疾病經水不時暴下

不止月內再行或前或後或崩中漏下三

十六疾積聚癥瘕臍下冷痛小便白濁以上疾證皆令孕育不成以至絕嗣此藥治產後百病常服令人除宿血生新血令人有孕及生子充寔亦治男子亡血諸疾

木香 茯苓 石斛 桃仁 京墨 當歸

人參 炙草 桔梗 秦光 蚕布燒 藜蘆各二兩

肉桂 炮姜 細辛 丹皮 川芎各一兩半 川椒

山藥 澤蘭 熟地 香附 蒼朮 大豆卷

糯米

右為末煉蜜丸每兩作六丸每一丸細嚼溫酒

醋湯任下

烏鷄丸 治婦人百病

烏骨鷄 一隻銀刀刮去腸酥炙

良姜 炮姜 當歸

玄胡索 赤芍 破故紙 川楝 生地

劉寄奴 蓬朮 陳皮 川芎 青皮 各一兩

荷葉灰 蘄艾 糯米飲調作餅二兩

右為末醋和丸如梧子大每服三五丸湯使

載於後

月經不通紅花蘇木酒下 白帶牡蠣粉調酒下

子宮久冷白茯苓煎湯下 赤帶建茶清下

血崩豆淋酒調綠綿灰下 胎不下蜜和酒下

腸風陳米飲調百草霜下 心疼菖蒲煎酒下

漏阻下血烏梅溫酒下 耳聾點蠟茶下

胎死不動斑蝥酒下 腰脚痛當歸酒下

胞衣不下芸薹研水下 頭風痛薄荷點茶清下

血風眼黑豆甘草湯下 生瘡地黃湯下

身體疼痛黃芪末調酒下 腹痛芍藥調酒下

四肢浮腫欬喘急杏仁桑皮湯下

常服溫酒醋湯下

延齡丹 治婦人衆病無所不治

熟地 川芎 防風 檳榔 萸蕪 蟬退

柏子仁 馬牙硝 人參 黃芪 白薇

川枳各五錢 鯉魚鱗 晚蠶沙 當歸 木香

附子 石膏 澤蘭各一兩 藁本 厚朴

炙草 炮姜各兩半 吳茱萸 紅花各一分

右為末蜜丸彈子大每服一丸湯使錄于後

血癥塊痛綿灰酒下 催生溫酒細嚼下

血勞血虛桔梗酒下 血崩棕櫚灰酒下

血氣痛炒姜酒下 血風荊芥酒下

血暈悶絕胎死腹中胞衣不下並用生地汁童便

酒各一盞煎數沸調下

交感地黃煎丸

治婦人產前產後眼見黑花或即

發狂如見鬼狀胞衣不下失音不

語心腹脹滿水穀不化口乾煩渴

寒熱往來口内生瘡咽中腫痛心

虛怔悸夜不能寐產後中風角弓

反張面赤牙關緊急崩中下血如

豚肝狀臍腹疔痛血多血少結為

癥癥恍惚昏迷口支腫滿胎前不

安產後血刺痛

生地二斤絞汁留滓 玄胡索糯米炒赤一兩 生姜二斤絞汁以生姜汁

炒地黃滓地黃汁炒生薑滓各至乾可為末則止

當歸一兩

蒲黃四兩炒香 琥珀一兩

右為末煉蜜丸如彈子大每服一丸當歸湯化

下

皴血丸 調補衝任溫暖血海治胞絡損傷宿瘀乾

血不散受胎不牢多致損墮常服去風冷

益氣血

當歸 牛膝 玄胡索 芍藥 茴香 蒲黃

香附 蓬朮 菊花 熟地 肉桂各二兩

黑豆一升醋煮為末

右為末以醋二碗煮豆末至一碗留在後作糊

為丸如桐子大酒下五十九

人參養血丸 治女人稟受怯弱血氣虛損常服補

衝任調血脉宣壅破積退邪熱除寒

痺緩中下堅脹安神潤顏色通氣散

悶兼治婦人懷孕腹中絞痛口乾不

食崩傷眩暈及產後羸瘦不復常者

人參 赤芍 川芎 葛蒲各一兩 熟地五兩

烏梅三兩

右為末煉蜜丸如桐子大溫酒下五十九

回物湯

調益榮衛滋養血氣治冲任虛損月水不

調臍腹疔痛崩中漏下血瘕塊硬發歇疼

痛妊娠宿冷將理失宜胎動不安血下不

止及產後來虛風寒內薄惡露不下結生

瘕聚小腹堅痛時作寒熱又治氣血虛冷

崩中去血

熟地

當歸

川芎

白芍

等分

忘葱萊菔

右咬咀每服四錢水一盞半煎七分服

溫經湯

治衝任虛損月候不勻或來多不斷或過

期不行或崩中不止及治經墮損妊娠
瘀血停留小腹中痛發熱下利手心煩熱
唇口乾燥治小腹有寒久不受胎

半夏

當歸

川芎

人參

白芍

丹皮

肉桂

阿膠

炙草

各三兩

吳茱萸

二兩

麥冬

五兩

右剉散每服四錢水一盞半加生姜煎七分服

牡丹散

治血虛勞倦五心煩熱支侷疼痛頭目昏

重心怔顛赤口乾咽燥發熱盜汗減食嗜

卧及血熱相搏月水不利臍腹脹滿作痛

寒熱如瘧又治室女血弱陰虛榮衛不和

痰嗽潮熱支體羸瘦漸成骨蒸

丹皮 芍藥 肉桂 甘草 一半 鹽水炒 沒藥

玄胡索 各一兩 蓬朮 錢一 乾漆 炒二錢 鬼箭羽 分一

蘇木 分一 烏藥 兩一 陳皮 分一 婦身 兩一

右為末每服二錢滾水調下忌生冷

伏龍肝散 治氣血勞傷衝任脉虛經血非時忽然

崩下或如豆汁或成血片或五色相雜

或赤白相兼臍腹冷痛經久不止令人

黃瘦口乾飲食減少四支無力靈煩驚

悸使人無子

伏龍肝 赤石脂醋煨 牡蠣粉醋煨 烏賊骨醋煨

禹餘糧醋煨 肉桂各等分

右為末每服二錢酒調下白多加牡蠣烏賊骨

赤多加石脂禹餘糧黃多加伏龍肝肉桂隨病

加之 一法有龍骨

艾煎丸 治崩傷淋瀝小腹常滿常服補榮衛固經

脉

食茱萸 歸身各二錢半 熟地 白芍各兩半

石菖蒲 川芎 人參 熟艾四兩用糯米飲調作餅焙

石為末酒煮糊為丸如梧子大酒下五十丸

滋血湯

治婦人血風血熱血虛經候澁滯月水不

通四支麻木肌體渾身疼痛倦怠將成勞

瘵

馬鞭草

荆芥穗

肉桂

當歸

枳壳

赤芍

川芎各二兩

丹皮一兩

石剉散每服四錢水一盞半加烏梅一枚煎七

分服

抵當湯

治婦人經水不利

水蛭

蝨虫

去翅足各炒三十斤

桃仁

三十斤去皮共研

大黃

三錢製

右為粗末每服四錢水一盞半煎七分服血末
利更服又治男子有瘀血膀胱痛

萬病丸

治室女月經不通臍下堅急大如杯升發
熱往來下利羸瘦此為血瘕若生肉瘕不

可治也血瘕亦作氣瘕此即石瘕症也

乾漆

作細炒令火烟出
烟頭青白一時久

牛膝

酒浸一宿各
一兩六錢

生地

五兩
取汁

右以地黄汁入下二味為末慢火熬俟可丸即

丸如梧子大空心米飲或溫酒下二丸日再服
勿妄加丸數病去止藥婦人氣血虛經不行若

服破血行經藥是殺之也謹之

礬石兑丸

治婦人經水閉不利歲堅癖不消中有

乾血白物

礬石

煨三錢

杏仁

皮一分去炒

右細研杏仁入枯礬加少加蜜丸如枣大綿裹

納陰中未知再作

三稜煎丸

治婦人血癥血瘕食積痰滯

三稜

蓬朮

各四兩

青皮

半夏

芡芽

各二兩炒

右用好醋六升煮乾焙為末醋和丸如梧子大

醋湯下三四十九丸痰積姜湯下

烏金散

治婦人血氣血癥血風勞心煩躁筋骨疼痛四肢困瘦

黑豆

十兩

沒藥

當歸

各五錢培乾為末

先將黑豆不犯水淨拭用砂瓶一箇入豆在內

以瓦片蓋定鹽泥固濟留嘴通氣以炭火二斤

煨烟盡存性以鹽泥塞瓶嘴退火次日取出豆

如鷓研細方入後藥末研勻不以時溫酒調下

三錢重者不過三五服忌鯉魚毒肉水母之類

烏喙丸

治腸覃病因寒氣客于腸外與胃氣相搏正氣不榮繫瘕內着惡氣乃起其生也始

寒和熱

如鷄卵久及成狀如懷胎按之堅推之
即移月事時下故曰腸覃亦如乳餘疾大
小便不利并食有伏虫臏脹癰疽毒腫久

烏喙

炮去皮
各二錢

半夏

四分

石羔

煨

牡蒙

藜蘆

茯苓

酒浸各
一錢

炮姜

桂心

巴豆

六七粒
另研

右為末蜜丸如菜豆大每服三五丸食後酒飲

下亦治男子疝痛

木香散

治婦人脾氣血氣血虫氣蠱水蠱食蠱

木香

沉香

乳香

炙草

各一錢

川芎

胡枳

陳皮 人參 晉礬各五錢 肉桂 炮姜

砂仁各一兩 茴香一兩五錢 天茄五兩赤小者乾

右為末空心日午米飲調下二錢忌羊肉

石莖散 治婦人血結胞門或為癥瘕左腹脇間心

腹脹滿腫急如石水狀俗謂之血蠱

石莖 歸尾 馬鞭草 紅花 烏梅肉

蘇木節 三稜炮 沒藥 琥珀各一分另研

炙草錢一

右為末濃煎蘇木酒調下二錢

大腹皮飲 治婦人血癭單腹脹

大腹皮

防己

木通

花粉

黃芪

厚朴

姜汁炒

素皮

枳壳

陳皮

大黃製

五味

青皮

各等分為末每服一兩水一大碗煎六分入酒

一分服

大黃甘遂湯

治婦人小腹滿如鼓敦狀小便微難

而不渴產後者為水與血并結在血

室也

大黃

四兩

甘遂

炮

阿膠

炒各二兩

右剉散每服三錢水一盞半煎七分溫服其血

當下

小柴胡湯

治婦人傷風七八日續得寒熱發作有

時經水適來此為熱入血室其血必結

故使如瘧狀發作有時

柴胡

半夏

黃芩

甘草

丹皮

紅花

石劉散每服

水一盞半煎七分服

有汗加桂枝

小麥湯

治婦人歲燥喜悲傷欲哭狀如神靈所憑

教伸欠

小麥升

甘草

兩三

大棗

枚十二

石劉散以水煎服

牡丹丸 治婦人月病血刺疼痛

川烏炮焦去皮 丹皮四兩 肉桂五兩 桃仁五兩去

右為末蜜丸如梧子大醋湯下

黃芪五物湯 治婦人血痺

黃芪 白芍 肉桂 大棗 生姜

右剉散每服 錢水一盞半煎七分服

竹茹湯 治婦人汗血吐血尿血下血

熟地 竹茹三兩 人參 白芍 桔梗

川芎 歸身 肉桂 甘草各一兩

右剉散每服 錢水一盞半煎七分服

膏髮煎 治婦人穀氣實胃氣下泄陰吹而正喧

髮灰 猪油

右二味調勻綿裹如棗大納入陰中

蠹瘡証治

凡婦人少陰脉數而滑者陰中必生瘡名曰蠹瘡或痛或痒如虫行状淋漓濃汁陰蝕幾盡皆由心神煩鬱胃氣虛弱以致氣血流滯故經云諸痛痒瘡皆屬心火又云陽明主肌肉瘡痒皆屬心火治之當補心養胃外以熏洗坐導治之乃可

茯苓補心湯 治心虛寒病苦悸恐不樂心腹痛難

以言心寒恍惚喜悲愁恚怒衄血面
黃煩悶五心熱渴獨語不覺咽喉痛
舌本強冷汗出善忘恐走及婦人懷
妊惡阻嘔吐眩暈四支怠惰全不能

食

茯苓 人參 前胡 半夏 川芎各三 陳皮

枳壳 紫蘇 桔梗 炙草 乾葛各五

當歸一兩 白芍二兩 熟地一兩三錢

右剉散每服四錢水一盞半加生姜五片棗一

枚煎七分服

分氣補心湯 治心氣鬱結怔忡噎悶四肢浮腫上

氣喘急

大腹皮 香附 茯苓 桔梗 木通 炙草

川芎 前胡 青皮 枳壳 白朮 各三兩 細辛

木香 各五錢

右為末每服四錢水一盞半加生姜大棗煎七

分服

狼牙湯 治婦人陰中蝕瘡潰爛膿水淋漓臭穢

狼牙

右一味濃煎汁以綿裹筋頭大如繭浸濃汁漉

陰中每日數次瀝洗

雄黃免散

雄黃 青箱子 苦參 黃連 各二分

桃仁 去皮尖一分

石為末以生艾湯搗汁和丸如麥大綿裹納陰

中扁竹汁更佳

凡蝕於肛者單燒雄黃熏之蝕下部者則咽乾

苦參湯洗之

藿香養胃湯

藿香 白朮 茯苓 神麴 烏藥 砂仁

米仁 半夏麴 人參 各五錢 炙甘草

華澄茄

各五錢

右咬咀每服四錢水一盞半加生姜大棗煎七

分服

小兒叙論

凡小兒與大人不殊惟回氣臍風夜啼重舌變蒸客忤積熱驚癇解顱兒病疳病不行數證大人無之其如傷風傷寒斑瘡下利用藥則一但多少異耳諸方前已類編可披而得故不重引然養小之書隋唐間猶未甚該博吾宋則有錢氏要方張氏妙選胡王備錄幼、新書及單行小集方論記狀動計千百不勝

備矣今畧取保生要方但述前數證以防緩急之需
博雅君子不妨廣覽

小兒初生回氣法

小兒初生氣欲絕不能啼者必是難產或冒寒所致
急以綿絮包裹抱之懷中不可斷臍帶且將胞衣置
炭火爐中燒之仍捻大紙捻蘸油點燈於臍帶上往
來燒之蓋臍帶連兒臍得火氣由臍入腹更以熱醋
湯洗臍帶洩使氣回啼哭如常方可浴洗了則斷臍
帶

小兒初生所服藥法

小兒初生急以綿裹指拭盡口中惡血若不急拭啼聲一出即入腹成百病矣亦未湏與乳且先與黃連浸湯取濃汁調珠砂細末抹兒口中打盡腹中舊屎方可與乳兒若多睡聽之勿強與乳則自然長大而少病

小兒初生通大小便法

小兒初生大小便不通腹脹欬絕者急令婦人以溫水先漱口乃吸咂兒前後心并臍下手足心共七處每一處凡三五次嗽口吸咂取紅赤為度湏臆自通不爾則無生理有此證遇此方可謂再生

小兒初生一七日內或患臍風撮口百無一生坐視其斃者皆極可憫有一法極驗世罕有知者凡患此者兒齒齦上有小泡子如粟米狀以溫水蘸熟帛裹指輕々擦破即口開便安不用服藥神效

千金變蒸論

凡小兒有生三十二日為一變再變為一蒸十變而五小蒸又三大蒸積五百七十六日大小蒸都畢乃成人小兒所以變蒸者是榮其血脉改其五藏變者上氣蒸者体熱其輕者體熱而微驚耳冷尻冷上唇頭白泡起如魚目珠子微汗出其重者體壯熱而脉

亂或汗或不汗不欲飲食輒吐喎目白睛微赤黑睛
微白變蒸畢自精明矣此其證也單變小微蒸小
劇凡蒸平者五日而衰遠者十日而衰先期五日後
期五日為十日之中熱乃除耳或違日數不除切不
可妄治及灸刺但少與紫霜丸微下之便止熱歇若
身熱耳熱尻亦熱此乃他病可作別治

小兒例治

紫霜丸 治小兒變蒸發熱不解并挾傷寒溫熱汗
後猶熱不歇及腹中有痰癖哺乳不進乳
則吐喎食癩先寒後熱者

代赭石

赤石脂

各一兩

巴豆

三十五粒去油

杏仁

五十五粒去皮

右以上二味為末另研巴豆杏仁為泥相和更

杵一二千杵若硬少蜜同搗之收于密器中三

四十日兒服麻子大一粒與少乳汁令下食傾

後令少與乳勿令多至日中當小下熱除若未

全除明日更與一粒百日兒服如小豆一粒此

以準定增減夏月多熱喜冷發疹二三十日輒

一一服佳紫霜丸無所不治

夜啼四證論

小兒夜啼有四證一曰寒二曰熱三曰重舌口瘡四
曰客忤寒則腹痛而啼面青口白有冷氣腹亦冷曲
腰而啼此寒証也熱則心躁而啼面赤小便赤口中
熱腹煖啼時或有汗出仰身而啼此熱証也若重舌
口瘡則要乳不得口到乳上即啼身額皆微熱急取
燈照口若無瘡舌必腫也客忤者見生人氣忤犯而
啼也

夜啼例治

大蒜丸

治冷証腹痛夜啼

大蒜

一顆慢火煨香熟取出切細研
爛或日中或火上焙乾研末

乳香 五多炒出
油另研

右共研勻丸如芥子大每服七粒乳汁送下

燈花散 治熱證夜啼

荊芥穗 燈上燒連
燈花取

右研細用燈心煎湯調塗口中以乳汁送下

蒲黃散 治小兒重舌

蒲黃 微炒項于紙鋪
地上出火氣

右研細摻些少于舌下時時摻之更以溫水蘸

帛裹指輕按捺之按罷摻藥

牡蠣散 治小兒口瘡

牡蠣

煨紅取出候冷紙裹埋
土中七日出火氣三錢

炙草

一兩

右研勻時時搽口中或嚥或吐皆無害

治客忤夜啼法

用本家厨下火柴頭一个火滅者以朱書于柴頭
云吾是天下五雷公將來作神將能收夜啼鬼一
縛永不放急如律令 其柴頭以火燒焦為上
書了勿令兒知立在床下倚前床脚裡男左女右

黃土散 治小兒卒客忤

灶上黃土

蚯蚓屎 等分

右研勻和水塗兒頭上及五心良

積熱證治

小兒積熱者表裡俱熱遍身皆熱頰赤口乾小便赤大便焦黃先以四順清涼飲子利動歲府熱則去或既去後熱者內熱已解而表熱未解也當用惺惺散紅綿散加麻黃微發汗表熱乃去表熱去後又發熱者何也世醫到此盡不能曉又再用涼藥或再解表或以謂不可治誤致天傷者甚多此表裏俱虛而陽浮於外所以作熱只用六神散入粳米煎和其胃氣則收其陽氣歸內身體便涼熱重者用銀白散四順飲子 治小兒頭昏頰赤口內熱小便赤大便

少此裏熱證也

大黃 當歸 赤芍 甘草等分

右為末三歲以上每服一錢水一盞半煎七分

作二服

虛熱者加甘草下利者減大黃冒風寒加麻黃
中風証舌強戴眼者加獨活並於一兩中加減

半錢

惺、散

桔梗 細辛 人參 炙草 茯苓

花粉 白朮等分

右為末每服一錢水一盞加薄荷三葉煎六分

服

紅綿散

殭蠶二兩炒

天南星二兩切酒浸

蘇木節二兩

天麻一兩

右為末每服一錢入紅綿少許水一盞煎六分

溫服凡小兒風熱頭目不清並宜服之若傷寒

有表證發熱者每服入麻黃末五分若裡熱心

躁渴者入滑石末五分全煎服之

六神散

茯苓 扁豆 人參 白朮 山藥 炙草 等分

右為末每服一錢水盞半加生姜大棗煎五分

服此藥用處甚多治胃冷加附子治風證加天

麻治痢加粟壳

銀白散

山藥 白朮 茯苓 各五錢 人參 知母

炙草 扁豆 升麻 等分

右為末每服一錢水一盞加大棗煎六分服

急慢驚風証治

小兒發癇俗云驚風有陰陽二證身熱面赤而發搐

搦上視牙關緊者陽證也因吐瀉或只吐不瀉日漸困乏面色白而虛或冷而發驚不甚搦目微上視手足微動者陰證也陽證用涼藥陰證用溫藥不可作一概驚風治之又有一證欲發瘡疹先身熱驚跳或發搐搦此非驚風當服發散藥

陽癩方

硃砂一分 膩粉 射香各五分 蘆薈 白附

甘草各二錢 殭蠶各五分 金箔 赤腳吳蚣一條

胡黃連一錢 蠍稍

右為末二歲以上服五分金箔薄荷湯調下三

歲以上服一錢如口不開灌入鼻中

陰癩方

附子

生去皮

生南星

半夏

各一錢

白附

一錢五分

右研細并花水浸七日每日換水浸訖控氣入

硃砂二錢射香一錢拌勻每服一字薄荷湯下

量兒大小加減

一法用附子生去皮臍為末每服二錢生姜二

片水一盞半煎半盞分二三服效吐者入丁香

五斤全煎或用水浸蒸餅為丸如粟米大每服

二十粒亦可

餘方治法與顛癩門參閱

解顛治法

三辛散 治小兒頭骨應合而不合頭骨開解名曰

解顛

細辛

桂心各五錢

乾姜七錢半

右為末以乳汁和傅顛上乾復傅之面赤即合

蛇蛻散

蛇蛻

炒焦為末

用猪頰車中骨髓調傅頂上日三四度曾有人

以之作頭巾裹遮護之久而自合良法也

魛病證治

千金論小兒有魛病者是妊婦被惡神導其腹中令
兒病也魛亦小兒也其證微下利寒熱去來毫毛
鬢髮鬚鬢不悅者是也宜服龍胆湯凡婦人先有小
兒未能行動而母更有妊使兒飲此乳亦作魛也今
兒黃瘦骨立發熱髮落

龍胆湯

治小兒出腹血脉未盛實寒熱溫涼四支

驚掣吐衄者若以能進哺中食實不消壯
熱及變蒸不解中客忤鬼氣并諸驚癇

龍胆

柴胡

黃芩

桔梗

鈎藤

芍藥

炙甘草

茯苓各五錢

蟻螂二條

大黃一兩

右為剉散以水一升煮取五合為一劑十歲以

下皆可服若兒生一日至七日分一合為三服

八日至十五日為二服生十六日至二十日分

二合為三服二十日至三四十日盡以五合為

三服皆以得下即止此劑為出腹小兒所作若

日月長大者依此為例其有客忤及鬼氣并諸

驚癇可加人參當歸各二錢五分百日者加一

錢一字二百日加一錢半一歲加五錢餘藥皆

准此推之

疳病證治

小兒疳病者多因缺乳吃食太早所致或因久患藏
府中病胃虛虫動日漸羸瘦腹大不能行髮枯發熱
無精神肥兒丸主之

肥兒丸

川連

神麴

各一兩

大麥

錢五

木香

錢二

檳榔

史君肉

肉果

各五錢
麴裏煨

右為末神麴和丸如桐子大每服三十丸滾水

送下

六神丸

丁香 木香 肉果 各五錢三味用麩裹全入慢火煨熟麩為度

訂子 五錢麩裹煨去核 史君肉 蘆薈 各一兩細研

右為末 瘰癧肉和丸如麻子大 每服七丸 米飲下

龍胆丸 治疔病發熱

龍胆草 川連 史君肉 青皮等

右為末 猪胆汁和丸如梧子大 每服三十粒 以

意加減 即時滾水下

不行證治

五加皮散 治小兒三歲不能行者 由稟受不足 体

力虛怯 腰脊腿膝脚筋骨軟 故不能行

五加皮

右一味為末粥飲調更用酒少許每服一蜺壳
日三服

鹿茸地黃丸 治小兒足軟不能行

熟地兩八

丹皮兩三

山藥

芎肉

各四兩

澤瀉

茯苓

各二兩

鹿茸

鮮者佳酥炙黃一隻

石為末煉蜜凡如梧子每服三錢鹽湯下

附方

痘瘡黑陷乃心熱血凝也用玳瑁犀角全磨汁一合
入猪心血少許紫草湯和服即紅活起發

三因極一病證方論卷十八終



卷

卷